

ascensionibus immoratus sim, quandoquidem directiones præcipue tractare instituerim: nemini profecto iniquum videri debet illud, si quidem absq; noticia ascensionum ac descensionum directiones absolui nequeunt, imo directio non est aliud nisi arcus quidam Aequatoris, coascendens vel condescendens cuiuspiam arcui eclipticæ, aut alij intervallo duorum locorum cognitorum, veluti inferius explanabitur. Quicumq; igitur in dirigendis significatoribus expeditus esse volet, in computu ascensionum ac descensionum prius apprime exercentur necesse est. Nunc ad negotium æquandarum domorum descendere libet. Ea namq; res doctrinam directionum antecedere debet, cum significatores nonnunquam ad cuspides domorum, aut ipsæ cuspides ad alia loca dirigi solent.

Obiectio.
Solutio.
Directio.

Vsus ascensionum.

DECIMUM QVART. PROBLEMA.

Initia duodecim domorum cœli rationabiliter constituere.

Priusquam ad propositum absoluendum venietur, paulo altius ordiendum est, ne præcepta nostra inania ac fundamento carentia quispiam suspicetur.

Alcabitij.

Tres æquandarum domorum accepimus modos, quorum primus & vrsissimus arcum semidiurnum puncti eclipticæ orientalis, aut arcum Aequatoris ei similem in tres æquas secatur portiones, & arcum seminocturnum eius in totidem, per punctaq; diuidentia, & punctum eclipticæ orientale, ac polum mundi vtrumq; fingit quinq; circulos magnos, qui cum Meridiano totum Zodiacum & totum cœlum in 12. partes diuidunt, quas vocant domos.

1. modus æquandarum domorum cœlestium.

Hæc domorum distinctio quàm fluxa & fragilis sit (pace vulgariū Astronomorum dixerim) ex problematibus, quæ super almagesto Ptolemæi conscripsimus, aperte quivis intelliget. Nā vt ex multis pauca decerpantur, spacia domorum ac leges distinctarū magnitudines certas ac firmas seruare nequeunt, quas profecto seruandas esse confiteberis, si circa influxus aut proprietates huiusmodi domorū rectè philosophari libeat. Oriente quippe Cancro in regione, diem longissimum 16. horarum habente, 11. domus, verbi gratia, spatium tenet duplum ei, quod habet talis domus vndecima ascendente Capricorno. In regione aut, cuius dies maximus 18. horas æquales complectitur, huiusmodi spacia 11. domus in proportione tripla reperiuntur. Cui ergo persuadebitur vsquam, eundem esse influxum tam diuersis quàm inæqualibus cœli partibus? siue cœlum quiescens posueris vnde virtutes 12. domiciliorum deriuentur, siue propter variam cœli ad faciem terræ habitudinem proprietates domorum distinxeris, etiam domos ipsas ab Horizonte truncari necesse erit. alteris quidem earum partibus supra Horizontem, alteris autem sub Horizonte manentibus: quod sententiæ vnanimi præcorum philosophorum contraire liquet, asserentium sex quidem domos totas supra Horizontem, sex autem sub eo constitui. Præterea stellam aliquam iam dudum ortam, in domo prima imprudens sistet Astrologus: stellam deniq; longè ab Horizonte occidentali sursum remotam sextæ domui



432.
10. 246
3 - 1